







國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.




Inches 1 2 3 4 5 6 7 8  
Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches


© The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]





國家圖書館, NATIONAL CENTRAL LIBRARY, TAIWAN, R.O.C.



Inches 1 2 3 4 5 6 7 8 9 10 11 12 13 14 15 16 17 18 19 8  
Centimetres 1 2 3 4 5 6 7 8 9 10 11 12 13 14 15 16 17 18 19

**TIFFEN** Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]



















國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.


















國家圖書館, NATIONAL CENTRAL LIBRARY, TAIWAN, R.O.C.





339339 v.10

國家圖書館, NATIONAL CENTRAL LIBRARY, TAIWAN, R.O.C.







國權

永樂九年辛卯

正月甲子諭兵部榜天下民遵法賦役如有司苛征豪勢侵凌  
許訐理其頑惡誘亂聽擒解之

丙寅前太常寺丞袁珙卒珙字廷玉浙江鄞縣人善相術識  
上于潜邸及即位驛召之其家居有孝行性忼直引義訐聞  
賜祭贈太常寺少卿

設遷曰廷玉丁丑謁燕王已卯遣歸鄉人周繼祖訐于按


國權

永樂九年


藍官設遷孺木著



國家圖書館, NATIONAL CENTRAL LIBRARY, TAIWAN, R.O.C.







察僉事唐泰械至京釋之惟命太醫院使戴原禮取相書

以進王門之不可寄足如此廷玉雖神術然神聖應運而

興安藉此輩為哉第其學行亦足稱不僅為姑布唐舉也

庚午脩築浙江麗水縣通濟堰

甲戌 上南郊

丁丑安遠侯柳升為平羗將軍總兵官鎮守寧夏

己卯英國公張輔為征 副將軍總兵官往交趾會征夷將

軍黔國公沐晟勦寇

庚辰以下失控干掠黃河東寧夏都指揮王倣敗死戒甘肅

總兵官宋琥脩之

中軍都督郭義都督僉事徐膺緒左軍都督僉事周長前軍

都督僉事費義後軍都督同知曹隆俱曠職謫交趾尋宥之

壬午令明年令交趾惟布政按察二司印官入朝餘留任

甲申脩湖廣襄陽衛護城隄及樊城西隄

乙酉立 孝陵如大祀壇南天門之制

朝鮮鄭允厚來朝授光祿寺少卿不任

許右庶子兼侍講楊榮奔喪賜鈔命中官宋成護行且趣之入

丙戌豐城侯李彬充右副總兵平江伯陳瑄充叅將率浙江



福建官軍勦海寇

都督費義運衛輝積粟三十二萬四千四百石赴北京

戊子中軍都督同知蔡福私官馬成邊

工部郎中以下俱下獄刑科右給事中耿通等言工匠役滿

尚書宋禮等不之遣也 上然之禮伏罪治事

二月壬辰戒秦王尚炳以倨慢不迎詔械長史紀善等官入京

癸巳左春坊左中允李賢高暉改雲南四川按察使僉事

開四川武隆縣龍泉井鹽

江西吉水知縣錢本中卒本中江南武進縣人涉獵書史習

法律洪武中薦辟歷故城元城吉水令繩豪民宿吏成之刑

務清簡嘗起單騎諭解民甚德之留葬吉水負土治塚

已亥起復河南布政使左叅政孟驥 是月河決山東沂州

癸卯 上御右順門覽奏牘有鎮紙金獅歌側欲墜給事中


耿通趨置之 上曰彼置于危則危置于安則安天下大器

可危置之哉故小事必謹小失必改否即危道也初 上諭

六科批奏未當者改之通曰恐失信 上曰改而當何失也

甲辰置督罕河衛 女直野人

脩郊壇孝陵奉先殿祭器





瓦刺順寧王馬哈木貢方物請圖本雅失里

夜大星赤光出五車行至游氣

丁未夜月食

庚戌浚濟東小清河

山東

辛亥浚山東濰縣河築壽光縣隄

都察院左都御史陳瑛有罪下獄左春坊左中允劉子春劾

其方命虐害也瑛好煨煉陷人九舊臣望旨羅織所破滅者

數百十家至是瘐死籍其家

甲寅秦王尚炳來朝謝咎

勅勞日本國王源義以屢獲倭也

乙卯浚福山縣西官渠

丙辰詔赦交趾停採金銅罷鹽鈇魚課等項三年

丁巳禮部右侍郎王彰改戶部


倭掠廣東臨昌化千戶所千戶王偉等敗沒一上責副總兵

都指揮李珪等戴罪自贖

己未開會通河河自濟寧通臨清洪武中漸淤遂陸路置遞

運所入役三千人車二百餘輛至是濟寧州同知潘叔正言

元開會通河自濟寧至臨清四百里淤僅三之一濬而通之





亡論東民息肩實國家永賴也命工部尚書宋禮都督周長  
按之俱極言其便于是遣侍郎金純役十六萬五千人浚之  
免其田租尚書宋禮總督御史

監役


馬晉允曰會通河以汶泗為源夏秋間霖潦汎濫則馬場  
泊之流亦入焉汶泗合流至濟寧分為二一入徐州一入  
臨清凡河流之深淺舟楫之通塞皆係泊水之消長泊水  
夏秋有餘冬春不足非經理河源及引別水以益之必有  
淺溢之患此宋禮之言也自中灤分導河流使由故道北  
入海河南之民利焉緣河護岸掃座用竹編成大圍置水

以椿木釘中實以石以橫木貫于椿表牽築堤上則水可殺  
而隄可固此主事藺芳之言也蓋昔人于水之源流開泄洞  
悉如列眉故可經久今人不身履其地茫二厝置止有臨流  
浩歎求欲速以幸免目前已耳古今人豈真不相及哉  
夜大星光青白出雲中

三月辛酉朔廷策貢士陳燧等八十四人于奉天殿賜蕭時中  
苗衷黃暘等進士及第出身有差

乙丑法司錄囚

戊辰遣祭故哈密忠順王脫脫都指揮哈刺哈納為都督





僉事鎮守哈密

脩山東泰州河隄

庚午安定王尚炆來朝

壬申浚揚州瓜洲壩河脩通江減水二閘

癸酉先有指揮許天城衛千戶某罪係刑部獄其母託已賂部官并首所賂上問千戶與指揮有舊乎曰否上曰非

舊何託為下指揮法司則指揮隣刑部察母日橐餽詔其賂事且泄自首上宥母不問戍指揮交趾


鎮康州土知州曩光遣頭目來朝初中官徐亮等使西南夷

道鎮康被劫勅責曩光恐乞貸罪復命給事中周讓行人方濬往諭之

甲戌選庶吉士楊慈劉永清陳璣習禮黃壽生陳用鍾瑛張習張式馬信邵聰瑛等皆國子生隸翰林譯書及登第仍隸翰林

乙亥勅趙王高燧以妃徐氏誑誕不悛幽別室更選淑媛交趾宣化府土同知黃公別來朝求乞內遷進太原知府

丁丑鎮守遼東中軍都督劉江不謹斥堠致卜剽殺上欲誅江已而宥之圖後效





已卯或盜勸善盡書刑部擬當黥戍 上以非盜財免戍邊  
仍去所黥<sub>具</sub>

除如臯魯山等縣絕戶田租

庚辰温州人以歲輸白礬數千斤于京苦陸運求附海舟

上問工部曰礬何用曰染布須此 上曰僅染布何勞我遠  
民也令罷之


壬午開祥符中灤河元運自江淮由河至封邱中灤陸運至  
濬縣淇門百有八十里入御河至是工部侍郎張信言黃河  
故道命役十萬人興安伯徐亨工部侍郎蔣廷瓚同侍郎金

純浚之尚書宋禮兼董淇門古枋頭也

六科給事中曹潤等劾都督府成國公朱勇魏國公徐欽定  
國公徐景昌永康侯徐忠右都督郭義監試襲職子弟縱家  
僮奪其弓弩非法下錦衣衛捕家僮付法司宥勇等  
甲申勅賜交趾土官右叅政莫邃等皆立功禦叛各勞綵幣  
有差

乙酉鎮守山西大同江陰侯吳高言山西各衛屯軍十之七  
八操軍甚少宜半之 上諭兵部量地制戍留陽和十之四

天城朔州十之三蔚州十之二餘悉屯種





工部右侍郎任毅降營繕司主事前通政司右叅議賀銀為  
工部右侍郎

陝西都指揮僉事高英免英從都督劉江北征至靜卜鎮值  
卜江移據高阜英誣其退怯 上不直之

丙戌平江伯陳瑄充總兵官都督宣信副之海運北京  
戊子中軍右都督劉江仍鎮守遼東

已丑夜大星光青白出斗北旁行至雲中有二小星隨之  
庚寅脩西安壩

四月辛卯朔琉球中山王長史饒州程復積勞年八十一進琉

球國相兼左長史致仕還饒州長史王茂進國相兼右長史


乙未兩淮都轉鹽運司副使劉季篾遷延未赴任奪秩令士  
服隸翰林院脩書

丁酉免江南安東縣永樂七年牛租

庚子朝鮮瓜哇二國入貢  
夜月犯木星

癸卯設交趾雞陵縣為鎮夷縣徙鎮夷關于松嶺蓋以地高  
爽避瘴

已酉召遼谷潘安唐郢伊蕭晉九王來朝分長幼以次至





庚戌夜有大星赤光出紫微垣內四輔旁北至游氣中

辛亥陝西按察使辛耀副使徐道正張泰僉事姜榮馬驥黃禎俱妓酒飲命械于本司前

甲寅遼東左叅政劉本奏上三事曰停止一切不急之務曰郡縣有司選老成廉謹之士曰簡宿學為教官訓迪士人上嘉納之

丙辰賑河南綏德隆德等饑民糧萬有八百石

丁巳征副將軍英國公張輔至南寧言南寧陳季擴等詐降乞進兵

戊午監生陳謨李復鄭進善張添祿並為監察御史

是月江南沐陽縣雨雹傷稼

五月己巳定交趾王官考覈例

辛未進士王彥自陳與奸惡外親有連俱被籍沒乞就繫


上以其才并其家宥之

癸酉土魯番總統古麻刺失里入貢

甲戌浚鄆州洛河故道

丁丑浙江嘉興縣李縉監生王杲商賢胡寧俱為監察御史

乙酉董卜韓胡地面頭目南科入貢言容隆蒙碣門二招討





侵隣阻道請兵往命賜綵幣勅諭之

己丑監生劉廣為四川道監察御史

是月河南開封大雨水

六月庚寅朔韃靼太師阿魯台貢馬

癸巳遣行人迎榜葛刺貢使于太倉宴勞之

甲午監察御史周宗範上科給事中謝垣私易奏章右副都

御史虞謙發之下法司論罪

甲辰許山東青州登州萊州流民墾東昌兗州間田給牛具

種子三年始租又農隙并練屯軍

揚州大風雨江溢壞廬舍人畜

旌山東泰安監生張翼孝行親沒皆蔬食廬墓三年慈烏繞

墓樹數百飛鳴不輟

乙巳太監鄭和還自西洋先是經錫蘭山國其王亞烈苦柰


兒欲邀劫我伐木斷道和間行登舟以二千人潛攻王城入

之執亞烈苦柰兒并家屬以歸群臣請誅之上閱其愚釋

不問給衣廩

設遷曰錫蘭山彈丸黑子之地史謂其潛發番兵五萬餘

劫和蓋奏詞少溢矣茫、海外誰明其不然者愚未敢盡





信也

監生胡良誠于敏林勝宗白璧宋友謙等俱為監察御史

築沁州漳河決隄

撒馬兒罕入貢

丁未趣工部尚書宋禮河工

賑沁州遼州保安芮城定襄浮山等處饑民粟五千九百石

除雲南溪處甸長官司歲納海肥蓋非土產市于臨安土官

白恩乞折鈔 上以卹遠具除之

庚戌召見西洋航海官軍七百四十五人人各賜鈔

榜葛刺入貢

壬子賑浙江龍游縣民糶四千八百六十餘石

右春坊右庶子兼翰林侍講楊榮奔喪還京

乙卯會通河成自濟寧至臨清置閘十五徐呂二洪流駛多

怪石或欲夷之尚書宋禮曰不可河水泥多留此石可以激

泥先下而澄濁為清也嘉靖中盡夷之徐呂不復有洪運道

易淤


邱濬曰運河由江而入邗溝由邗溝絕淮而渡上清口經

徐呂二洪沂沁泗至濟寧濟寧居運道之中所謂天井牌

國權

永樂九年

十一






者即元史所謂會源牌也泗沂沭汶諸水畢會于此而分  
流于南北北至安民山入于新河地降六十尺為牌十有  
七而達于漳御南至沽頭地降百十有六尺牌二十有一  
而達于河淮此蓋居兩京之間南北分處自是而南至于  
河淮順流也河淮東流至清口而入于海亂流而渡由邗  
溝渡江而達于南京自是而北至于漳御順河流也御河  
北流至直沽而入于海沂流而上由白河抵潞而達于北  
京迤南濟接之水有自武陟來之沁有自瑯琊之沂迤北  
接濟之水有自金龍口之河有分滹沱之河通論諸牌天

井居其中臨清總其會國家都北仰給于南時運河以為  
命脉濟寧居咽喉而又多出旁之途惟臨清乃會通河之  
極處此其要害也東控青齊北臨燕趙且去邊關不遠疾  
馳之騎不浹旬可到請跨河為城各為水門以通舟楫諸  
諸牌其中設官以司啟閉屯兵以為屯守是亦思患預防  
之一事也

陸深曰予往來漕渠未嘗不三致意焉通塞者天幸也使  
北方無惰農有此焉而不恃可也國家詳于講漕而略于  
講農豈未之思乎






琉球國入貢

戊午遣內官趙惟善禮部郎中李至剛宴勞從鄭和官軍于太倉和使西洋自占城西南通國以十數蘓門答刺最遠自蘓門而往通國以六七數柯枝最遠自柯枝而往通國六七數天方最遠蓋去中國數萬餘里矣由是明月之珠鴉鵲之石伽南沉速之香麟獅孔翠之奇梅腦薇露之珍珊瑚瑤琨之美皆充舶而歸焉

是月交趾布政司右叅議解縉徵下獄初翰林簡討王偁謫交趾總兵官張輔幕下縉與偁故以文章相結言偁于輔攜之化州同共往廣東觀其山川八年入奏鑿贛江通南北道會 上北征見東宮而返漢王高煦密疏縉瞰駕遠出覲太子徑歸無人臣之禮意亦欲陷太子 上怒縉避事勞民并逮王偁既至獄吏拷治不勝楚令偁引大理寺寺丞宗湯宗人府經歷高得暘禮部郎中李至剛右春坊右中允兼翰林脩撰李貫右贊善兼翰林編修王汝玉編修朱紘檢討蔣驥潘畿蕭引高等皆下獄

設遷曰解學士故善王偁不以權抑改其交誠雅誼也上贛江之書雖曰知無不言稍違其時况已拜官可紆道以





瞻闕廷哉即無漢庶人 上一悉之譴責立至然學士不

獄死脫在化州亦不免為劉子輔何忠輩矣

七月庚申朔陝西疲遣戶部右侍郎王彰祭西岳

辛酉故東城兵馬指揮張麒追封彭城伯 太子妃父

甲子浚定襄縣故渠

乙丑蜀府崇慶王悅所薨

庚午浙江湖州大雨水傷稼免田租

夜月犯箕宿

辛未葉浙江仁和海寧海塘時潮溢漂人畜遣官賑卹

甲戌滿刺加國王拜里迷蘓刺來朝遣中官海壽禮部郎中黃裳等迎勞之

乙亥古里國王以米的柯枝國王可亦里蘓門答刺國王宰

奴里阿必丁阿魯國王速魯唐忽先彭亨國王巴刺密鎖刺


達羅息泥急蘭丹國王麻哈刺查苦馬免南巫里國王 加

異勒國頭目葛卜者麻瓜哇國王都馬板各入貢

丙子征 副將軍張輔征夷將軍沐晟敗賊黨阮帥于月常

江初分道進允真州之月常江賊樹柵設伏我都督同知 至

朱廣都指揮張勝俞廣拔其江中椿木都指揮方政等搜其





伏攻柵夾擊大敗之斬四百餘級溺可二萬人

戊寅汝南王有勳永寧王有光來朝

癸未開四川鹽亭縣井鹽

築陝西西安涇河洪堰

甲申諭兵部遣人巡視苑馬寺官不散牧者罪之

滿刺加國王拜里迷蘇刺率妻子入朝奉天門時從臣五百

四十餘人

乙酉祥符中灤河成合會通河河南免水患

丁亥巡按陝西監察御史魏源言陝西倉糧千九百八萬四

千二百五十五石足支十年乞後半輸鈔從之

廣西靈州都指揮馮谷蘭帖木兒等逃叛陝西都指揮使孫

霖王儀等追破之

戊子賑臨城縣饑民糧二千七十石有奇

八月乙未翰林學士兼左春坊大學士胡廣右春坊右庶子兼

翰林侍講楊榮主試應天時雲南始鄉試貴州未附也

石康縣典史徐鑑言各布政使照磨校檢各一浙江獨照


磨四宜裁又灶丁歲支工本煎鹽犯罪不得支其罰甚輕請

發別場充役 上從之

國權

永樂九年

十五





癸卯夜月食

戊申夜月犯昴宿

庚戌左僉都御史劉翥馬上接旨徑歸第見勅下獄尋宥之  
夜大星出紫微垣行入文昌

壬子設谷龍長官司隸貴州

甲寅築大名漳衛二水決隄

丙辰禮部以齊庶人 樽妃鄧氏卒宜庶人禮葬 上念親

之誼仍王妃禮

是月河溢壞開封舊城

九月乙丑免廣西桂林田租之半以蠻人流徙也

丁卯後軍都督同知曹隆卒隆安徽潁上人少勁悍事中山

王徐達麾下投燕山左護衛百戶從靖難力戰有功賜祭葬

追封贈安陽伯謚忠毅子貴襲金吾左衛指揮使


己巳吏部尚書兼詹事蹇義戶部尚書夏原吉俱滿九年勅

復秩褒諭

禮部尚書趙鼎初 上北征辭疾不從後賜宴茶序至是大

賚朝鮮貢使遂下獄

癸酉滿刺加國王辭歸賜勅宴送之





壬子駙馬都尉永春侯王寧卒寧尚懷寧公主首附 上建  
文帝下之獄及進封志溢縱恣日甚遂罷其朝請至是賜祭  
丁丑夜月掩五車星  
戊寅諭法司重囚五覆奏始決  
庚辰浙江黃岩人告豪民以建文時士人包彛古所上楚王  
書稿示同輩書語多指斥請下法司 上曰此必報私忿耳  
允告建文時語干犯皆不聽  
乙酉肅王橫來朝庚寅還  
是月廣東遂溪海康等縣大風雨壞民舍溺千六百餘人

十月壬辰起復工部右侍郎郭璉

癸巳遼王植來朝庚子還

乙未監生胡庚為工科給事中

寬北京遷謫軍民賦役


辛丑監生孫慤為刑科給事中

韓世子冲熾嗣韓王佐敬嗣靖江王

封哈密忠義王克力帖木兒賜印誥綵幣玉帶脫從父之子

乙巳重脩 太祖高皇帝實錄 上初即位命曹國公李景

隆等脩之謂未備至是命太子少師姚廣孝戶部尚書夏原





吉為監脩官翰林學士兼左春坊大學士胡廣國子祭酒兼翰林侍講胡儼右春坊大學士兼翰林侍讀黃淮右庶子魚侍講楊榮為總裁官左諭德兼侍講楊士奇金幼孜等為纂脩官皆賜勅  
增行在行部戶曹清吏司郎中一員永平保定河間同知通判各一員涿通霸薊灤安景滄同知判官各一員專屯田  
戊申趙王高燧來朝  
翰林檢討王洪為脩撰  
甲寅潘王模來朝壬戌還

十一月戊午朔免陝西逋租

癸亥征下副將軍英國公張輔追捕陳季擴等于生厥江大破之梟千五百餘人以殉賊散走林澤中遂捕殆盡

甲子谷王穗來朝戊辰還

丁卯立皇太孫瞻琪冠于華蓋殿

己巳設交趾寧化州領赤土車來二縣

庚午浚山東鄒平縣白條溝河


辛未夜大星光青白出柳宿行至游氣

壬申征南將軍右軍都督同知韓觀改征夷副將軍佩征南

國權

永樂九年

大





印移鎮守交趾都指揮葛森鎮守廣西

暹羅入貢

甲戌進士况文趙鑑葉貞為監察御史

丙子慶元榘代世子遜煇來朝庚子還

起復戶部給事中胡安

刑科都給事中曹潤等言日者錄囚命釋輕繫臣竊見匝月

間瘦死九百三十餘人非陛下意也 上召法司記罪限

徒流以下十日盡決遣

丁丑脩浙江仁和海鹽二縣石塘萬一千一百八十五丈

辛巳逮福建、陽衛鎮撫武戡、高皇后戚屬也守宿州

徐王墓不法特宥而戒之

琉球國入貢

十二月己丑韃靼太師阿魯台貢馬

庚寅冊趙王高燧妃沐氏

沐晟之女

壬戌勅諭福餘朵顏泰寧三衛頭目曰昔元良哈之眾數為

卜掠相率歸附誓守臣節我太祖高皇帝矜而設三衛俾


各領其眾後竟叛去及朕即位復來朝略其舊過加意拊綏

數年來生靈繁息朝廷于爾厚矣比為本雅失里所脅掠我

國權

永樂九年

十九





邊卒又苦列兒等詔市馬寶行窺伺今能悔過即還所掠納  
馬三千匹姑贖前罪不然發兵誅叛悔將難追  
何喬遠曰葉夢熊曰永樂八年北伐至鳴鑾成語金幼孜  
曰滅此殘下惟守開平興和大寧夏甘肅則邊境永謐  
矣是棄大寧非成祖意後世謂欲借借屬夷籬藩中國誤  
矣至宣德五年並開平而失之喪地三百里由是左右臂  
俱折而松關潢水險固在下夫不得祖宗之意而揣摩  
其影响以幸苟安此二百餘年之大悞也  
乙未雨雪寒甚上念往日靖難將士之苦或墮指裂膚勇

氣不衰各賜鈔有差

免涿州大興等去年水災田租

丁酉晉王濟熿率世子美圭來朝甲辰還

戊戌歸阿魯台兄妹先是洪武中官軍于捕魚兒海俘之今  
因貢使同遣

乙巳孔克中為曲阜知縣賜勅時知縣孔希範目青辭


壬子成都知府費瑜饒州知府李益為福建山西布政使左  
右叅政皆九年奏最命後郡守滿九年者例如之

甲寅安王楹平陽王濟熿來朝辛酉還

國權

永樂九年

千





閏十二月丁巳朔勅五府六部條析利弊

已未吏部尚書兼詹事府蹇義等上十事曰朝臣七品以上外臣五品以下及縣正官各舉賢能堪牧民風憲者一人曰分巡按察使官及巡按御史嚴考察賢否曰選京官四品以上分行天下察吏安民曰覈大理寺官屬曰如舊制部院罪囚皆送大理寺曰京衛造海船等料費缺官補不得科擾軍民曰停工部買辦不急之務曰人民陪納官物極貧免追曰許逃軍逃囚自首免罪曰謫佃北京者或道例發全家今量取一丁充額 上並行之

壬戌別失八里王馬哈麻入貢

甲子庶吉士黎常為監察御史

都指揮僉事韓誠柴永正馬惟良皆為都督僉事

丁卯刑部右侍郎吳盛卒盛景州人洪武進士


戊寅前山東右布政使馬麟起大理寺右寺丞

己卯禮科給事中傅安等還自別失八里時瓦剌使臣馬哈

哈麻等言別失八里王將襲其部落因勅諭之

庚辰罷山西徐溝縣歲辦鹽硝

辛巳賑臨晉饑民小麥一萬八千餘石





癸未郢王棟來朝戊戌還  
甲申免景陵湯陰等水災田租

國權

永樂十年壬辰

正月戊子封右軍左都督吳允誠恭順伯祿一千二百石

己丑外覲官千五百餘人命各部覈勘合完者止八十人賜

鈔餘姑宥復秩上復問鴻臚寺及六科曰覲官奉命言民

瘠者幾人曰百五十人上命責緘默者于是各官俱具狀

命六部酌行之其未當勿問

癸巳許廣西都結州糧運赴南寧


鹽官設遷孺木著

國家圖書館, NATIONAL CENTRAL LIBRARY, TAIWAN, R.O.

國權

永樂十年

一





乙未徙山東登青菜餘丁耕兗州東昌免徭賦三年

許河南洛陽縣納粟代粳米樂昌縣納米代麥從所產也

丁酉 上南郊

庚子元宵節賜群臣宴縱觀鰲山三日戶部尚書夏原吉侍

母來觀 上聞之賜鈔二百錠

壬寅諭吏部允諸司不許擅遣守令俾專民事著為令

乙巳趙王高燧還北京

丙午寧夏總兵官安遠侯柳升叛賊察罕歹等至京誅之械

山西左布政使周璟言太原平陽澤潞運芻大同甚遠請以

天城陽和等衛草往給大同以平陽澤潞草貯近驛從之

丁未國子司業趙季通董子莊為趙府長史

勅都督費義尚書宋禮由新河轉漕北京兼脩築河隄其海

運如故


二 戊申中軍都督郭義尚寶司少卿朱彥以廟祀不至下獄

已酉賑龍州饑民粟一萬二百三十石

靈寶永寧平陸俱旱澇逋租許折鈔帛

壬子魯王肇輝來朝丁亥還

免越訐誣告之罪徙其妻子于良鄉涿州昌平武清盧龍山





海永平小興州耕種

癸丑稷山河津滎河等縣人言歲饑採蒺藜蒲根而有司急  
征乞寬貸上閱之立遣賑其布政司及守令不以聞悉械

京師論罪

二月丙辰吏部尚書兼詹事蹇義戶部尚書夏原吉禮部尚書  
呂震兵部尚書金忠刑部尚書方賓翰林學士兼左春坊大  
學士胡廣右春坊大學士兼翰林侍讀黃淮右庶子兼侍讀  
楊榮左右諭德兼侍講楊士奇金幼孜各給誥命三代封贈  
辛酉免山西河南永樂八年以前逋租

左右春坊左右諭德兼翰林院侍講楊士奇金幼孜主禮闈

壬戌勅責靖江府輔國將軍贊億貸民錢取息

宥雜犯武職復其官 是月置河間衛

丙寅除湖廣五寨長官司歲課硃砂

戊辰諭考官貢士毋過百人

庚午伊王極楚世子孟煊來朝

癸酉刑部司務劉潔為監察御史

甲戌追謚太充妃胡氏曰昭敬


楚王楨之母

丁丑戶部左侍郎王彰改都察院右副都御史

國權

永樂十年

三





庚辰遼王植有罪削護衛及儀衛司止給軍校三百人

三月乙酉朔策貢士林誌等百人于奉天殿賜馬鐸林誌王鈺等進士及第出身有差

豐城侯李彬克總兵官討甘肅叛寇

辛卯夜有大星光青白出庫樓南行至近濁三小星隨之

壬辰鑄征蠻將軍印是月定州馬產駒有肉骨類麟

癸巳選庶吉士蔣禮趙勛徐俊何賢潘勤黃裳羅興楊榮張觀王觀馬馴王璜劉濬胡讓邵暹朱顯方復

夜大星光青白燭地出尾宿行至雲中有三小星隨之

甲午夜月犯軒轅火星

乙未秦王尚炳薨謚曰隱

丙申設武定尋甸廣西三府儒學

壬辰尚寶司丞陳善為廣東道監察御史


甲辰免北京水災田租

丁未善書朱孔暘為中書舍人

戊申州判張侂庶吉士胡敬監生程政秀才沈粲許鳴鶴王

孟端朱暉楊本等並為中書舍人仍隸翰林院書制誥

河南遂平縣大雨水河溢壞廬舍命賑之





已酉廣東道監察御史裴璉為右春坊右中允許勝為左春坊左司直郎

辛亥代世子遜煊來朝乙酉辭還

甲寅進順天府官正二品知府張貫為府尹

大興宛平二縣進正六品

四月乙卯設祿谷長官司隸雲南鎮沅府

丁巳鴻臚寺左寺丞許廓為工部右侍郎

庚申浚北市流等四閘河共一萬七百三十人


壬戌工部尚書宋禮言比者御史許堪云衛河為患命臣經度臣自衛輝至直沽河岸低薄若不分析漫流則後費益甚

臣為永久計先視會通河抵魏家灣與土河連可穿二小渠用泄暴水入土河則雖遇驟漲衛河下流可無患又山東德州城西北自衛河岸東北至舊黃河亦可穿小渠開通泄水抵海豐縣大沽河入海衛河亦可無患約作者三千人期十日命俟農隙為之

癸亥勅開平備禦成安侯郭亮等自開平至懷來宣府萬全興和各山上皆架五砲便警備

徙廣寧衛缺山馬市于圍山便水草也

肅州僑居回、指揮哈刺馬牙殺御史陳錡都指揮劉秉謙





大掠而去以陝西按察僉事馬英激之也命磔英于市

甲子監察御史陳孟旭受賍枉法文獻盜課銀俱棄于市

乙丑慶成王濟炫來朝

福餘等三衛各納馬贖罪

庚午築遼東開原西門土城處降胡

朝鮮琉球二國入貢

賑河南許州襄城長葛臨潁郟城泌陽等饑民粟萬二千五

百二十六石

辛未遣工部主事蘭芳按視陽武等縣潰隄方言隄當急流

之衝故夏秋伏漲時也水勢不可以驟殺輒潰敗宜依新開

河岸捲土為埽樹椿捍禦之庶不至重為民患從之

癸酉蠲浙江臨海縣水災田租

甲戌遣戶部員外郎孫恪賑平陽翼城等饑民粟三十一萬


四千二百二十石有奇

辛巳進士胡縶蕭常郭庶吳斌戈謙鄧真何楚英傅良何忠

張順周建李曰良王鉉郭振金庠魯琛朱敬喬良鄧義陳子

倫林衡謝升張昱監生張勤龍景亨趙文姚悅濮陽泰任旺

祝和陳恕郭端賈節趙益廖睿周毅李善楊俊張彬為監察





御史

癸未賑山東萊州饑民粟五十八萬三千八十石有奇

五月甲申朔始賜文武百官扇

行在工部尚書鄧明卒明本李姓字元遠安南國王陳日焜  
之婿官尚書省左叅知政事以子建平府鎮撫使鄧師誨及  
官屬上都圖籍內降同破雞留巖水等閔拜叅政授師誨東  
九真知州已平簡定陳季擴功進左布政使召拜尚書賜甲  
第同鴻臚卿陳季暄工部尚書黎澄作神槍賜江陰田宅一  
區予祭塋西山師誨進燕山衛尋以言事謫為江陰主簿終

贈光祿寺丞


乙酉瓦剌順寧王馬哈木等遣使來朝言滅本雅失里得傳  
國璽欲獻恐奪于阿魯台乞勅之又請還脫不花子賞賚  
部屬伯顏阿吉失里等 上以不足較遣勅諭馬哈木太平  
把禿孛羅

金吾右衛指揮李嚴逐母不養 上大怒命立磔于市

丙戌脩金京師山川壇及功臣廟

諭禮部申飭釋道二教

丁亥湖南長沙人言銅鑛廣西河池人言銀鑛大發 上怒





其言利斥之 池州推官彭存善為監察御史

庚寅脩四川棧道

辛卯居慶成王濟炫于蒲州

壬辰夜火星犯右執法

乙未寧化王濟煥來朝

丙申江南秦州人言鞏昌臨洮稅糧運甘州二千餘里負歲

載甚苦乞農輸隙蘭縣自蘭縣每五十里設站或刑徒或官

軍續運從之

辛丑免河南開封水災田租

壬寅江西寧州大雨水皇太子遣賑

壬子中書舍人王璲為左春坊左司直郎

六月丙辰廣西潯水州大雨江溢

戊午陰平侯張信駙馬都尉沐昕建湖廣武當山宮觀

己未湖廣按察使知事胡璉言武陵縣不宜麥其歲徵麥二

百四十餘石乞改納米從之

庚申陝西道監察御史趙慎改刑科都給事中


免浙江湖州逋糧七十萬二千四百餘石

癸亥故學士宋濂孫懌以奸黨鄭公智外親當坐 上念濂

國權

永樂十年

八





舊德宥之

鄆陵臨漳大雨河溢皇太子遣卹

夜月犯心宿後星

戊辰山西左政布使司言平陽滎河太原交城等郡縣蝗捕

已絕上命巡按御史驗之

辛未武昌荆黃常德漢陽大雨江隘壞田舍命戶部遣卹

壬申浙江按察使周新奏浙西水潦傷稼右通政趙居任匿

不以聞徧民輸納上問戶部尚書夏原吉對曰居任奏民

間多熟田作荒按察司未可悉信上曰水災昭著按察司

非妄也即遣人覆視災者蠲租災甚者賑之

滿刺加入貢

癸酉禮科給事中引囚至御前有二人欲訴錦衣衛官促之

起上見之曰在朕前如此况千里外哉顧錦衣官曰今敢


復爾者必誅

甲戌諭戶部發粟賑河南饑民時有司不以聞或言穀稔于


是命各郡縣及朝廷遣官遇民艱不言者悉逮下之獄

保定侯孟善卒善山東海豐人元樞密院同僉來歸從徐達

征北歷燕山中護衛千戶從靖難累功追封滕國公謚忠勇







乙亥榜葛刺國王賽勿丁入貢告其父靄牙思丁之喪詔諭

祭封賽勿丁榜葛刺國王

丙子永和王濟煥廣昌王濟炳來朝

壬午命幼軍未娶者官為之配

七月丙戌賜廷臣兜羅錦被

江南水災免蘇州府之吳江長洲崑山常熟等縣今年田租

一十三萬八千六百九十石有奇

北京蘆溝河水溢潰隄八百有二十丈命發卒治之

福建右布政使張拱辰犯贓下臺獄

己丑都督薛斌吳城等選永平薊通胡官教民牧馬選真定

定州胡官教牧順天

夜大星自狗骨旁流光燭地至近濁

甲午鑄永樂通寶錢

丙申封耶巴乃那錫蘭山國王并送亞烈苦柰兒歸

丁酉前靖江王府右長史蕭用道卒用道江西廬陵人建文

初薦拜靖江直史徵入翰林脩實錄上改直史為諮議所

亡何改右長史昨歲乞休忤旨降為宣府鷓兒嶺巡檢

庚子慶成王濟炫以蒲州邸壞請徙山西汾州從之



辛丑免四川通江縣茶課

壬寅徙甘肅胡人于蘭州縣勅總兵官安遠侯柳升領二千騎屯涼州鎮番

張邦達為河南監察御史邦達自四川會縣知縣坐事戍邊

薦使榜葛刺國報命道

癸卯諭都察院令中官奉使毋預有司事

甲辰吏部郎中鄒濟為左春坊左庶子濟寧學正高壽為左

中允中書舍人吳均行在國子助教黃琮岳州教授趙文為

右春坊右中允左春孔諤司諫朱璉改監察御史左司直坊

郎許勝右中允劉子春裴璉改刑部主事

乙巳前行部左侍郎劉辰卒辰字伯靜浙江金華人李文忠

記室建文初擢監察御史守鎮江事上預脩實錄進為江

西左叅政尋免起行部留南京三年致仕年七十有八慷慨


負氣好辨論志雖有為然疏略

丁未河南道監察御史鄒師顏改為大理寺左評事

浙江嘉興縣水災免田租三千六百十五石

戊申中官吳賓等往賜瓜哇國西王都馬板錦綺紗羅絲絹

等各一千疋





已酉浙江平陽縣獻嘉禾一百六十四本

庚戌開四川安岳縣井鹽

八月癸丑朔寧世子盤斌來朝


交趾總兵官英國公張輔屯安謨海口賊自大安出神投海  
外分戰我乘北風奮擊走之追擒偽將陳磊龍鄧汝戲等七  
十五人及從賊千餘人皆斬之  
丙辰命皇太孫兼講武事諭兵部尚書金忠選應天鳳陽滁  
州和州北京山東山西陝西河南四川湖廣民間子弟年十  
七至二十拳勇才藝者給廩送入京師充隨軍曰幼軍

設選曰國家雖安不忘危然廣廈細旃之上樽俎詩書席  
師儒而明禮樂駕其長策鞭笞四夷有餘地矣何事屑  
馬磬閭閻之少年控拳擊矢步武鶴禁之下以稱豫教乎  
幸而 宣宗睿質允武允文否則豹房應州之事先 康  
陵而見之矣

勅北京提督牧馬官課卒孳生及數者人賞鈔五錠牧養失  
時罪不貸

禮部主事楊砥為行在太僕寺卿

已未增設長安嶺野狐嶺興和以西至洗馬林石垣濠塹





辛酉國子助教吳泰為行在國子司業  
淳泥國王遐旺卒母與妻來朝遣郎中高謙行人司柳昌往  
宴勞之

壬戌山東定陶河南中牟等縣耆民詣闕謝賑 上諭戶部  
曰賑饑人主之責也遠來謝止復來其再止之並給路費還

甲子占城國王占巴的賴貢象

乙丑夜大星光青白燭地出天船行入北斗

丙寅旦壽星見

置只兒蠻兀刺順民囊哈兒古魯滿涇哈兒蠻塔亭也孫倫

可木河弗思木十一衛 女直野人

乙巳外戚徐赫匿逃民法司請治之 上召赫諭曰踈遠小

人尚相戒守法爾乃狎恩昔中山王不敢分毫越度非爾之

祖耶治如律


庚午前涼州永昌土達老的罕逃叛捕之

癸酉翰林院庶吉士劉翀為禮科給事中同禮科給事中張

英國子學錄王讓等侯皇太孫說書 上曰朕聞讓之孝

甲戌宥府軍衛指揮使趙琮罪謫從其父右軍都督僉事清

之請并命兵部覈功臣子孫謫戍者





夜大星光燭地出自奎宿行入天囿有二小星隨之

丁丑重建天禧寺

九月戊子召宣府總兵官武安侯鄭亨率師還京

辛卯勅兵部軍職犯罪者悉復秩

甲午 上壽聞天壽山工匠有亡疫者為文遣祭命僧資薦

功德三晝夜有司歸其骨復其家二年

浚江南上海縣蟠龍江


乙未除廣西潯貴田租時徭人作亂遣官軍討之

丙申志烜嗣秦王

工部主事蘭芳言天下之水惟黃河為大水患亦惟黃河為  
急今于中灤導河分流使由故道北入海誠萬世利第沿河  
所築護岸若用木編成大圍如欄圈然置之水以椿木釘其  
中實以石用橫木貫椿表屬之隄便從之河以分而安  
戊戌喃渤利國王馬哈麻沙蘇門答刺國王宰奴里阿必丁  
各入貢賜國王印誥

己亥監生吳文吳克聰為監察御史

甲辰工部都水主事蘭芳為右侍郎初守吉守有異政吉水  
人妄言縣產銀宜置冶芳奏其妄事母孝母亦善教凡芳日





所行事夕則命陳于前有未善必讓之坐累謫辦事官宋禮

薦補主事治河南河渠又薦之

乙巳昌邑縣訓導戴綸為禮科給事中侍皇太孫

夜大星出婁宿入于危

丙午夜有大星出奎宿行入壘壁陣東

丁未淳泥國王遐旺入朝

戊申平江伯陳瑄築嘉定縣之青浦寶山成方百丈高三十

丈為海運表識

是月大理寺卿耿通有罪廷鞫論死特磔之曰通所犯譚源

清事止徇情出罪耳先回鑾時每朝嚴輒窺伺動靜言東宮

過舉此離間罪重也或言大理寺丞馬麟坐視之失 上宥

不問時漢王構東宮故 上每事怒之耿通言及觸 上怒

遂被極刑實錄不載豈有所諱耶事具南院故牘不可不存


十月戊午脩江南海門縣海塘一萬八千餘丈

已未勅法司出輕繫輪作贖罪病者順天府醫療之

庚申復設湖廣東南渭州初土知州彭萬滿被亂革之隸永

順宣慰司至是子什才能輯其下

癸亥鎮守交趾都督韓觀運廣東糧一萬石于交趾





甲子監生顧立鄒恒李弘蕭原祝昇等為監察御史

勅諭底里國王馬哈木沼納樸兒國王亦不刺金

乙丑夜月犯昴宿

丁卯皇太孫演武方山甘露降採上之群臣入表賀

置遼東境外滿涇等計四十五站以通各頭目入貢

四川按察使譚友得庸汚下臺獄御史石璞為四川按察使

戊辰上獵武岡山之陽

壬申浙江水災免烏程歸安長興臨海等縣糧共二十七萬

四千五百石有奇

刑部左侍郎盧祥卒祥直隸房山人洪武末自國子生擢刑

部郎中建文中免因事上募兵保定永樂中署順天府事

亦碌未有建明也

丙子陝西行都指揮使張遠加右軍都督僉事

丁丑山西繁峙縣進禾百五十八本

戊寅交趾總兵官英國公張輔次入安之土黃惡江偽少保

潘季祐等俱降承制授季祐為按察副使署入安府事餘賊


悉來附

十一月壬午朔右春坊右庶子兼翰林院侍講楊榮往甘肅會

國權

永樂十年

共





豐城侯李彬經略叛寇老的罕時赤斤蒙古衛指揮塔力尼

甲申旱災免湘陰海康遂溪各縣田租

乙酉監生苗貫謝庸熊傑童貞吳銘張達雷恭解昌黨衢周

尚賓為監察御史

丙戌命脩江南儀真縣江隄

丁亥直隸開州民父子三人自言願効力太和山 上詰其

有為乎曰非也矢報耳 上曰爾遵教務本足矣何勞為

戊子定武官襲職比試法初不中支半俸二年再不中仍半

俸二年又不中謫戍

庚寅雲南通安縣民饑賑小麥

有婦人斬前天子不孝 上以婦失節乃責人孝耶不聽

丙申太監鄭和賫勅往賜滿刺加瓜哇占城蘇門答刺阿魯

柯枝古里喃渤利彭亨急蘭丹加異勒忽魯謨新比刺溜山

孫刺諸國

戊戌工部右侍郎蘭芳經理山東德州良店駟東黃河故道

壬寅戶科都給事中胡濙言陝西積草朽壞俱作侵欺追徵


上悉免之

癸卯洮州衛鎮撫陳恭上言人主侍衛宜嚴戎狄異類非我

國權

永樂十年

十七





腹心不當置左右唐玄宗宋徽可為明鑒 上曰恭言甚是第  
唐宋自有敗道人君亦安得示人不廣金日殫忠于漢武阿  
史那社爾効于唐宗胡元疎外漢人南人柄用蒙古韃靼然  
亦免于亡亂

設遷曰 文皇帝靖難藉三衛之助其後漠北西寧款塞  
內附非列戍邊閑則環侍交戟之內食堪懷音草彼梟獍  
而喜寧跛免干終啟其戎心滿四噎拜致汚其天鉞後事  
之章 如此追誦陳恭之疏安得以鞅韋跣注而少之  
十二月壬子朔工部尚書宋禮復採木四川

是月廣西平樂縣蠻賊平

癸丑進士周文褒為河南左布政使黃澤為左叅政陳祚為  
右叅議監生梁通為河南按察使


甲寅監生游福為戶科給事中

四川安縣茶課不登折鈔

甲子暹羅國遣使入貢方物

丙寅召甘肅寧夏總兵官安遠侯柳升率師還師京

巳巳工部右侍郎蘭芳右通政礬敬錦衣衛指揮莊敬等治  
天壽山橋道舟車將葬 仁孝皇后止各王赴京師第遣祭





後軍都督僉事朱鈺卒鈺江南徐州人

庚午水災免湖南黃州常德衡州等郡今年田租

壬申江南邳州淫雨久之傷稼命監察御史乘傳賑之

癸酉命陝西都指揮使張麟鎮守甘肅寧夏等處

乙亥頒諭明年巡狩北京

丁丑韃靼太師阿魯台貢馬二千五百匹

戊寅楊榮還自甘肅言老的罕宜罪第運道險惡且非用兵

時上勅豐城侯李彬止兵勿進


己卯補鑄行在通政司光祿寺等印

殺浙江按察使南海周新新字志新洪武己卯貢士授大理評事永樂初拜御史譚劾敢言人稱冷面寒鐵進雲南按察使改浙江決寬懲貪名著衛甚錦衣指揮紀綱方用事使千戶偵浙中作威受賕新捕治之遁訴于綱誣新逮入京抗言不承上愈怒棄于市是夕欽天監奏文星墜後上見新叱之云臣剛直上帝使主城隍浙江新無子


陳善曰予為兒時在里中聞長老傳周公事甚悉言人

殊大都皆奸健吏也夫周公為城隍事甚怪語不經然郡

中率嚴事之有徵應豈誣也哉語曰生為明吏沒為明神







如公之德廟食百世可也

林之盛曰新廉吏也堅于執法人或少其慈祥不知法以  
成仁威濟厥愛去莠而苗斯茂是公之大慈也獨念人文  
皇非信讒而致公以讒死豈陛下對過直或非告君之體乎  
袁襄曰以新之勅直而獲罪明主竟不保其身古云太剛  
則折新之謂矣其見怪雖不經然以伯有為厲事觀之未  
可謂無也

國權

益官設邊孺木著

永樂十年癸巳

正月辛巳日有食之禮部尚書呂震請朝賀侍郎儀智不可楊  
士奇曰宋仁宗時元旦日食富弼請罷樂呂夷簡不從弼宴  
曰倘契丹行之恐為中朝羞後果然仁宗始悔 上遂罷朝  
賀宴樂

壬午 上諭右通政馬麟禮科給事中朱希曰

司言民利病率云田穀豐稔比年聞山西

國權

樂十一年



草根殊為慘憫自今悉記之境內災傷已不  
他人言  
者必治重罪

丁亥江南蘇州同知柳敬中乞浚崑山太平河約役七萬八  
千四百人期二十五日 上恐久役妨農命調近民十萬亟  
成之

己丑停運木徵還吏部侍郎師達等

辛卯 上南郊 是夜月犯昴宿

乙未長山王賢竣薨

勅韃靼太師阿魯台曰把禿來貢馬禮意可嘉然察爾心尚

未釋然豈有歉于邱福之事乎人各為其主朕于爾何責昔  
呼韓邪入漢突厥阿史那社爾歸唐皆名光史冊爾聰明特  
達豈下古人哉賜爾絲幣至可領也

丙申琉球中山王入貢

丁酉都督僉事江浩擒獲交趾賊陳季擴從子陳原等五十  
四人


仁孝皇后梓宮發京師漢王護行

己亥封女弟寶慶公主

監生劉迪為四川按察使司張岳趙彬為副使名李清為

國權

永樂十一年





食事

庚子甘肅總兵官駙馬都尉西寧侯宋琥送叛胡弩哈兒伯顏等至京師宥之戍廣東廉州衛伯顏復叛捕僂之

辛丑召駙馬都尉西寧侯宋琥還豐城侯李彬為征前將軍總兵官鎮守甘肅

倭賊三千餘人寇昌國衛及爵溪楚門二千戶所俱擊敗之

殺大理寺左右寺丞王高劉端以縱奸惡外親也

俱江西南昌人

壬寅江南徐州饑蠲逋租六萬三千八百石

乙巳夜有大星赤光燭地出郎位行入招搖

丙午瓦剌順寧王馬哈木等貢馬多求請其表慢且拘留勅使上怒令中官海壽詰責之

麓川平緬宣慰使思行發入貢請弟思任發代職許之

天壽山陵名曰長陵


二月庚戌朔軍後衛千戶趙輝為都駙馬都尉尚寶慶公主

韃靼太師馬兒哈咱等貢馬

辛亥監生李華盧榮趙真趙旭卜禎楊益馮得為給事中黃

文惠王維新韓真李遜申嶽張肅封貴朱哲俱為監察御史


立貴州承宣布政使司洪武時貴州宣撫思南宣慰相牙制





而思南宣慰使田宗鼎仇副使黃禧 上調禧守辰州而思  
州宣慰使田琛亦怨宗鼎禧結以圖宗鼎日紛拏不解琛自  
稱天主妻地主陷思南宗鼎遁琛殺其弟僂及母屍宗鼎以  
聞勅琛禧對簿不應使點奴張勝事教坊官吏勉將乘供奉  
為逆事覺命行人蔣廷瓚往鎮遠侯顧成擁五萬兵境上賊  
懼縛禧琛于朝琛妻冉復誘諸蠻為亂真可釋琛詔特錮琛  
等以宗鼎自歸未減復職還思南宗鼎誓報兩家怨 上留  
之宗鼎誣其祖母私于禧欲殺之祖母亦發宗鼎私事詔正  
罪遂開省設官以思州二十二長官司分設思州新化黎平

石阡以思南十七長官司分設思南鎮遠銅仁烏羅叅用土  
官行人蔣廷瓚河南左叅政孟驥為左右布政使叅議進士  
新建崔彥俊為思州知府江陰顏澤為鎮遠知府貴溪李鑑  
為石阡知府彥俊任十八年澤十四年鑑九年而夷習丕變  
高岱曰高宗克鬼方疑即其地可以謂難矣自漢以下未  
有能郡縣之者然滇南之境非由貴陽不能達漢惟不能  
有貴陽之地故自巴蜀道邛笮達牂牁紆歷險遠卒不能  
令黔中 人聲教如中土唐亦不得志于南詔蓋有以也自  
太祖高皇帝撫有滇南貴州諸蠻夷旋亦服屬暨 成祖





恢復郡縣其地一統之盛遠過于三代何漢唐之足云乎


鄭曉曰貴州之地本為西夷羅施鬼國國初霽翠宋欽歸附仍其世官山峭地瘠夷情猶詐分隸四川湖南雲南至永樂癸巳年始立三司當時顧成威懷有方稍稱馴順其壤地聯絡衝胸掣肘自泗城北窺永樂寧芒部南渡畢節西播外突普坑內潰交讒構亂喜禍佳兵每一梗阻滇南中斷乃知分割三隸疆域相率不可謂非久常良策也田汝成曰二宣慰之就擒也謀神策睿亦已周矣發單輅持尺札入夷落桑蔭未徙而縛其兩雄市不易肆何其善哉乃今剪滅草竊直眇小耳符檄紛紜張皇漏泄蓋承平狃縱賞罰不章上不圖危而下不習成也

郭子章曰睿彥俊守思州十八年李守石阡九年顏守鎮遠十四年國初二千石之盛何其久也今由郎署得二郡眇若火宅惟恐不速去誰肯流注閭閻拮据米益為國家計久百年乎遽廬其官燕越其民吏治勿古有由然矣

癸丑莒沂崇明德安豐城建昌等郡縣饑賑之

已未勅鎮守遼東都督劉江脩理屯政

遣太監侯顯賫勅賜尼八刺國王沙的新葛地湧塔二可般





錦綺

置烏忠藏衛牛兒宗寨行都指揮使司南葛監藏為指揮使

會事置隴卜衛頭目領南翰些兒為指揮使

壬戌誅錦衣指揮劉誠

癸亥北京民分養孳生馬

淳泥國王遐旺辭歸

甲子命皇太子監國如七年例

乙丑 上北巡發京師皇太孫從行

丙寅 仁孝皇后塋長陵

辛未次鳳陽祀 皇陵賜耆民酒肉九十以上者加匹帛

三月乙酉次山東濟寧魯王肇輝來朝

勅四川都指揮李敬率兵勦威州蠻

已巳皇太子賑鞏縣饑民停河工


甲辰皇太子賑浙江烏程歸安長興德清等縣饑民粟三萬

七千六百石

丙午限京城獲盜二十日

四月己酉朔 上至北京

丙戌命行在錄囚





戊午諭兵部非軍機重務毋給馬

乙未皇太子給賑浙江衢州嚴州西安壽昌等郡縣饑民貸穀一萬三千石有奇

辛酉兵戶二部右侍郎徐銘張春為山西左右布政使

癸亥右僉都御史史仲成卒仲成陝西安化人洪武中國子生拜御史請封禪進山東按察使僉事改廣西桂林同知永樂初擢僉院四年採木山西五臺山輒誦楚軍民上不悅比召至暴卒

丙寅諭行在禮部尚書呂震曰有司立言時和歲豐者業加罪有切民情知治理者宜獎賞之

丁卯定淮浙鹽引米一斗五升河南米二斗五升

己巳勅法司慎刑


減貴州雲南鹽引米各五斗

琉球國中山王山南王俱入貢方物上表朝賀

癸酉行在刑部奏論囚有律輕情重者請重處之 上曰民勿信其如律

夜大星自太微東垣行入翼宿

丁丑都督程寬馬瑛何璿率舟師轉漕北京





戊寅賑安邱縣饑民米麥一萬九千一百九十石有奇

五月己卯朔山東諸城等縣蝗命捕瘞之諭曰蝗苗蠹也有司不能除則亦民蠹

庚辰更定運糧贖罪例力鮮者發天壽山種樹

定興縣雨雹傷稼命監察御史乘傳視之

辛巳除博興高苑縣安新城去年水災田逋租

癸未端午節上幸東苑觀擊毬射柳聽臣民聚觀是日分

擊毬官兩朋駙馬都尉袁容領左寧陽侯陳懋領右皇太孫射柳連三中上大悅使屬對曰萬方玉帛風雲會太孫頓

首對曰一統山河日月明上稱善賜名馬錦綺紗羅番布

諸王大臣以下擊射中者賜綵幣夏布有差遂命群臣賦詩賜宴鈔


己丑赤斤蒙古衛指揮僉事塔力尼等擒送老的罕等入京進指揮同知

庚寅國子監琉球生模都古等三人歸省厚賚之

壬辰設甘肅茶馬司于陝西行都司城外

丁酉江南鹽城縣蝗

戊戌西下亦攀丹來朝封安定王故卜煙帖木兒之孫





庚子韃靼大師阿魯台奏馬哈木等弒可汗本雅失里立答里巴請兵討之

壬寅叙長陵功賞武義伯王通進封成山侯世祿千二百石朝鮮撒馬兒罕各入貢

甲辰右中允劉子春 裴璉為刑部主事

丁未山東曹縣獻騶虞行在禮部尚書呂震請賀不許震又固請 上曰當為民國計汝能效李沆則善矣

七月戊申朔陰平侯張信圖武當山五色雲以進 上出示百百官

己酉北卜顏不花等來朝請討瓦剌馬哈木 上姑俟之

甲寅諭行在戶部曰人從徐州來言水災甚至民有鬻子男者人至父母相棄窮已極矣即乘駟往賑之贖所鬻男女

己卯北京行部右侍郎楊泰卒 江南山陽人洪武中監生歷北平按察僉事從靖難有功


癸亥夜月食 樂亭縣水災傷稼溺人畜免今年田租

甲戌增兵千人守開平并于要隘之地築城堡斥堠

浙江烏程歸安德清等縣大疫

己巳益瑛嗣保定侯

庚子直隸東鹿縣進野蚕蠶





韃靼太師阿魯台貢馬納前元所授中書省印

辛未備禦成安侯郭亮奏開平兵少 上報曰軍在精 開平

而不在多爾能勤拊練雖千人足矣否且糜餉無益也

癸酉西域哈烈撒馬兒罕失刺思俺的干都准土魯番火州

柳城哈石哈兒各入貢

乙亥增設應天順天通判州判官縣丞各一員專理馬政

七月戊寅朔封韃靼太師阿魯台為和寧王賜金印勅誥

御史 甲申前山東按察使司紀諄副使樊鎮俱謫戍至是除監察

丙戌夜大星光燭地自勾陳行紫微東蕃外

戊子浙江寧波疫

壬辰勅交趾布政使及守令宜輕徭薄賦勸課農桑善綏新

附之民

甲午夜大星尾赤自天市東垣行入南斗

丙申四川都指揮使李敬加右軍都督同知


丁酉別失八里國王馬哈麻入貢迎勞于平陽

戊戌夜月犯昴宿

甲辰勅鎮守大同江陰侯吳高脩諸處烽堠高三丈堅必鉄

國權 永樂十一年

+





石

乙巳蠲長洲崑山常德漢陽荊州長沙沔陽去年水災逋租

丙午涑水縣雨雹傷稼

八月戊申朔賑浙江仁和嘉興等縣饑民米六千七百三十石

庚戌故北京行太僕寺丞楊智子信為少卿

甲寅申恤刑之令

夜大星出雲中一小星隨之

丙戌山東鄒縣知縣朱珪卒珪龍溪人性明敏雖知民間纖

悉有德量容能葺學舍作子思書院孟子寢廟歲凶脫銀帶

及婦簪珥易粟濟饑勸耕代牛地無遺利或用鞭中貫以綿

服不忍犯

夜月犯南斗魁

甲子北京地震

乙丑鎮遠侯顧成充總兵官都督梁福等副之率三萬人勦

湖廣臺羅等寨叛苗

庚午裁趙府群牧千戶所


遂平縣河決壞廬稼

永康侯徐忠卒忠合肥人襲河南衛副千戶累進濟陽衛指揮

國權

永樂十一年

土





揮僉事從靖難封敵戰其子中矢抽刀斷之控滿突陣上  
壯之家居有孝行雖夜歸必揖家廟而後入自持儉慎留侍  
監國追封蔡國公謚忠烈

壬申滿刺加國入貢


湖廣按察使吳公悅貪虐有罪副使靳義勅之皇太子命下  
臺獄

乙亥木邦軍民宣慰使罕賓法遣使獻捷初緬甸王官那羅  
塔擅侵占孟養地賓法進兵破二十餘城獲象馬輜重諸物  
悉獻京師

九月庚辰命扈從軍士于北京城外近地每人種麥二十畝依  
屯田例考較毋倚閒暇而曠沃土

壬午官府軍衛指揮張昶自南京來奏事辭歸 上頗聞昶  
弟倚東宮妃之兄居鄉驕橫召諭曰開平王永城侯德慶侯  
家恃外戚生事皆取滅亡汝當為鑑因賜鈔六十錠曰若爾  
家守法何翅萬之

上諭戶部曰山東蝗災有司置之不問民受殃害朝廷知而  
遣捕滋蔓矣各郡縣于每歲春至驚蟄之時其即視之初發  
捕使絕布政按察二司失提督者與州縣一體同罪





占城國入貢

發未取哇國西王都馬板入貢

丁亥江西建昌知府于潛為應天府尹

脩武陟縣河隄及開封土城隄一百六十餘丈

癸巳夜月犯昴星

甲午遣中官李達吏部員外郎陳誠戶部主事李暹指揮金

哈藍伯送哈烈等使臣還國因勅賜哈烈撒馬兒罕等

設遷曰永樂時星槎回出輪航不輟大都貂璫鵬弁也雖

特遣庶曹仍冠以內侍其習沿而未變漢嘗閉玉門絕質

子以靖西郵 文皇帝固張而大之猶未田輪臺犁車師

則天子有道守臣回夷也

丙申勅鎮守遼東都督劉江等非御寶文書不許出塞

壬寅漸寒止祥符王有燭來朝


丙午夜大星赤光燭地出天船行入文昌有三小星隨之

十月戊申夜有大星赤光燭地出壁宿行至近濁

已酉山西塞上烽堠築成皆高五丈有奇城高丈有五尺開

濠懸梯守卒三十一人

庚戌勅貴州總兵官鎮遠侯顧成再調貴州軍一萬播州土





軍六千勦蠻寇

癸丑開平備禦都指揮章安為後軍都督僉事總理宣府懷來萬全諸衛軍務

戊午夜大星犯上将星

甲子故兵部尚書劉儁弟傑監生王鹵蘇弼楊和李謙張志萬紹祖王憲許侃岳順梁盛張毅朱昭紀文崔鹵李濬王勵劉紳許能屈良張貫朱威陸得厚張守信苗友直李應庚張翊馬駿為六科給事中

前湖廣按察僉事黃宗載河南按察副使夏禮俱坐謫至是

起為監察御史

丙寅遣都察院左副都御史李慶濟爾書于南京命皇太子錄囚出雜犯輕罪


置幹朵倫衛 女直野人

辛未命諸將整飭士馬

十一月戊寅以山東野蚕絲織帛染柘黃製衾薦于太廟

己卯夜有大星青白光燭地出紫微西蕃外行入天鈞

壬午諜報瓦刺馬哈木等兵至飲馬河聲襲阿魯台寶謀寇邊上決策親征命五軍練士召恭順伯吳允誠都指揮脫





歡台等選銳赴京

癸未右春坊右司直郎鄆城晁鑄致仕鑄元國子生洪武初  
舉儒學訓導建文中擢國子助教永樂二年擢司直郎簡靜  
端實講說詳明東宮甚重之令皇太孫受學年八十乞骸  
甲申和寧王阿魯台報瓦剌窺邊勅各邊將嚴加兵守如哨  
騎守瞭有失皆斬

命寧陽侯陳懋往寧夏都督譚青馬聚往大同都督朱崇都  
指揮使譚廣往山西各巡邊尋命陳懋率陝西都指揮閻俊  
山西都指揮楊青及潼關莊浪鞏昌西寧平涼諸衛兵俱會


宣府中都：指揮張禮遼東都指揮巫凱河南都指揮王智  
及武平歸德睢陽淮安諸衛京俱會北京

戊戌車里故宣慰使刀暹答次子刀賽來貢象馬許襲秩  
辛丑河南汝寧屢水災許翰鈔代帛田租

別失八里王馬哈麻火州王子哈三王魯番萬戶賽因脫木  
兒柳城萬戶觀音奴俱遣使從禮料給事中傳安等入貢  
乙巳應城伯孫巖都指揮齊安往開平備禦

十二月戊申夜太白在月南

己酉交趾右布政使王平卒平息縣人洪武中國子生拜御






史進陝西按察使 上改右僉都御史坐事謫衛經歷進福  
建左叅政從南征進右轄同都督黃中鎮清化民賴以安氣  
剛而刻生平不通私餽  
壬子交趾總兵官英國公張輔黔國公沐晟合軍順州賊守  
愛子江設伏列象陣于昆傳山抗我輔戒吏卒鞭馬先進象  
突起輔射墮象奴再射中象鼻象怒自蹂于陣大潰斬偽少  
尉阮山擒偽將軍潘經等五十六人俘賊八百七十人賊不  
能軍多來降  
乙卯夜月犯昴宿

庚申開四川潼川等井鹽

四川什邡縣自永樂五年以來虧茶課十六萬六百五斤乞  
輸鈔 上恐厲念民艱悉蠲之

壬戌進士涂克敏張志文鄺楚彭春陳治劉璉周常歐陽和  
為監察御史監生牛麟田綱為給事中

癸酉朝鮮李茂昌來朝授光祿寺少卿初茂昌父文命來朝  
授少卿卒繼其志也





國權

永樂十二年甲午

正月丙子朔 上在北京御奉天殿受朝賀

己卯遣中官楊三保勅諭烏思藏等國

壬午皇太子攝享太廟

乙酉甘召肅總兵官豐城侯李彬北征

丙戌皇太子代祀南郊

丁亥脩曲阜孔子廟


國權

永樂十二年

監官設遷孺木著

Vertical columns of faint, illegible text, likely bleed-through from the reverse side of the page.

國家圖書館, NATIONAL CENTRAL LIBRARY, TAIWAN, R.O.C.






戊子平陽王濟煥慶成王濟炫永和王濟煨等屢奏晉王濟  
禧忿逆 上未信第勅責之

庚寅貴州總兵官鎮遠侯顧成討思州臺羅等寨叛苗斬渠  
帥普亮賊平

郭子章曰貴州夷地一路諸城外四顧皆苗夷而種類有  
不同自貴陽而東者苗為夥而銅苗九股為悍其次曰猓  
猓曰猓獠曰八番子曰土人曰峒人曰蠻人曰冉家蠻曰  
楊保皆黔東之夷屬也自貴陽而西者羅、為夥而黑羅  
為悍其次曰宋家曰蔡家曰仲家曰龍家曰樊曰人白羅

皆黔西夷屬也諸苗夷各有囹峒而無城郭有頭目而無君  
長專事鬥殺何知仁義語言不通風俗各別惟羈縻之使  
不為亂而已舜用干羽漢武封夜郎武侯縱孟獲宋藝祖  
不通滇南何其慮之深長耶若欲畫繩以漢武之法則未  
有不駭而亂者犬之吠羊之觸其責豈盡在于犬羊哉  
夜 上御午門觀花大宴群臣進詩命翰林第高下賜鈔並  
賜者又鈔帛

壬辰交趾總兵官英國公張輔兵至政和縣之吐黃莊賊帥  
胡同降進羅蒙江身越險捫羅而上抵昆蒲冊鄧景異等七





百餘人已遁追至吃蒲榛冊夜行二十餘里聞漏聲銜板赴  
之旦至吃蒲幹冊江賊營南岍渡而攻之矢中鄧景異脇生  
擒之盡獲其黨景異創甚磔之檻送鄧銘鄧銳等于京師  
甲午漢王高煦還南京 上欲至秋遣之高煦固請 上不  
憚命群臣勿送  
交趾總兵官英國公張輔遣指揮薛聚獲阮帥于南靈州  
戊戌始設烏撒軍民府儒學  
已亥停運木營作  
設雲南尋甸州

辛丑役山東山西河南鳳陽淮安徐州邳州十五萬人轉餉  
宣府復其家一年


二月丙午都督謝芳轉漕北兵京

成山侯王通閱兵于宣府大同

戊申夜有大星青白光濁地出土司空行至近濁没

巳酉大閱

庚戌安遠侯柳升領大營都督馬旺陳翼程寬金玉副之武  
安侯鄭亨將中軍興安伯徐亨都督馬英章安副之寧陽侯  
陳懋將左哨襄城伯李隆都督朱崇副之豐城侯李彬將右





哨遂安伯陳英都督費瓌胡原副之成山侯王通將右掖保  
定侯孟瑛都督曹得副之都督譚青將右掖新寧伯譚忠都  
督馬聚副之都督劉江朱榮等為前鋒和寧王阿魯台報瓦  
刺兵至興和命劉江出哨興和譚青以右掖兵往興和操備  
壬子青真臘國入貢

丁巳勅召晉王濟熺以平陽王濟熿等復奏其奸謀也

庚申隴州饑命御史並賑之按長吏隱匿不以聞之罪

癸亥上退坐右順門裏衣袖垢敝納復出侍臣頌仰聖德  
上嘆曰朕日十易衣未嘗無之但念自惜福昔皇妣躬緝

故衣皇考見而喜曰勤儉如此可法子孫朕常不敢或忘

癸酉夜火星退入太微垣犯上相星

三月丁丑設四川隆慶州永寧縣于關外隸北京行部地衝而


腴國初徙其民間內至是專處罪謫

庚辰置卜忽秃河阿免温河可汗三衛女直野人

江南揚水州災賑之

辛巳進士張璘鄭阜義為山東廣東右叅政國子監生孟亨  
為監察御史

癸未都指揮師祐獲陳季擴等季擴逃入河安竹排山見捕





更走老撾窮追至縛其妻妾姊弟等無一遺者賊平

袁表曰定興王善于用兵其取交趾也凡三犁其庭皆生擒元兇壯矣哉然不旋踵而復失喪師徒數十萬大臣皆死于賊手遂置不問豈處置失宜妖氛未掃抑亦當國者之闇也噫以天下之力謀之數年而失之于一旦惜哉

甲申奉御祝原等使真臘并戒占城國王占巴的賴侵軼

兀良哈福餘泰寧朵顏三衛納馬三千贖竊掠之罪售以布


乙酉設葛可河衛 女直野人

戊子賜從征諸將士鈔

庚寅 上親征瓦剌發北京命皇太孫從行晚次清河

設遷曰夷狄相殘中國之利本雅失里戕我使臣至千王略今瓦剌馬哈木等乘其弱滅之是代泄我忿也韃靼阿魯台請復仇不在我馬哈木等又請征阿魯台兩置之聽其爭長敗則重困勝亦力疲因勢圖功此卞莊子刺虎之奇也乃封阿魯台賈怨瓦剌輕萬乘以先之後阿魯台之叵測則足嗤于瓦剌也

壬辰 上次龍虎臺勅居庸關長安嶺守將從征吏卒非奉勅毋擅出入





癸巳次隆慶軍五十萬皆集

丙申次雞鳴山晉王濟熺上謁留宣府俟旋師還國

戊戌次于宣府 上從容教皇太孫對輒稱善 上悅之

庚子發寧遠鎮行間有突鬼命皇太孫射之應弦而死 上賜皇太孫名馬

辛丑至萬全衛命忻城伯趙彞建平伯高福尚書吳中郭資僉都御史李慶通政使司馬麟等督軍餉曰役民隨軍苦矣朝夕慰勞毋毒以刑

壬寅靈璧懷遠桐城宿松潛山太湖舒城常熟洛陽汝陽項


城安邱諸城安化華亭等縣饑皇太子賑穀九萬一千六百三十石有奇 是月湖廣武昌疫命皇太子遣視

四月甲辰朔 上駐輿和大閱兵

陝西都指揮使胡原為右軍都督僉事

乙巳夜有大星青白光燭地出自軫宿行至近濁没已酉頒軍中賞罰號令

庚戌勅大營及五軍諸將曰軍法嚴則士一賞功明則士服今朝發一令夕不下聞此不嚴也將士効力名不上達此不明也其立傳令及紀功官





丙辰開雲南之楚雄黑鹽井

丁巳次五雲關勅行後軍駙馬都尉廣平侯袁容如逃卒盡繫之俟回蹕

庚申次龍沙甸值萬壽節賜宴文武諸從臣

辛酉次錦雲磧命都指揮伯失指揮卯罕曲列兒等為鄉導

壬戌至小甘泉命五軍循次而行

甲子至清水源禁私殺馬騾

丁卯發清水源 上以山川險易及將士之勤勞示皇太孫馬上且曰汝知吾所以為此乎對曰 陛下豈圖其土利其

資畜亦豈不自為樂 禽獸也思之不戴服而遽叛 陛下

固欲大獮薙之永絕于遐荒令一跡不近塞為子孫臣民世

福遂下馬叩首 上悅次屯雲谷韃韃字羅不花等五人降


已巳至玄石坡申令諸將士惜戰馬兵無離伍

辛未駐清風壑命藥病者

睢州儀封杞縣考城太康洛陽靈寶嵩縣新安大雨雹傷麥五月癸酉朔駐楊林成 上教皇太孫以創守之道曰天下之

事不可不周知人之艱難不可不涉歷 是金星犯五諸侯

甲戌皇太子遣撫山東高密安邱諸城等縣流民





乙亥至禽胡山忘潜邸時禽不花于此遣祭具山川之神  
丙子築城貯餉悉還運民

丁丑命尚書光祿寺給事中督陣每戰從軍以將士勇怯聞  
皇太子賑吳縣新蔡魯山汝陽西華

己卯次香泉戍令將士賞糧

夜有大星赤光燭地出造父東北行至游氣中

甲申交趾總兵官英國公張輔俘偽大越國皇帝陳季擴驃  
騎大將軍太傅開國忠武公阮帥及賊屬人等至京

乙酉開蓬州井鹽

戊子次至喜川命前鋒偵飲馬河

辛卯至速兒温都兒之地有水清冽賜名曰蒙山海

甲子次通泉泊都督朱榮報數十人東行上曰必瓦剌

所遣勅榮直趨土次河朕明日趨飲馬河乙未次飲馬河


丁酉鎮守貴州鎮遠侯顧成卒成字景昭先湖南湘潭縣人

僑江都魁梧壯勇善武事歸太祖擁蓋久之授百戶累功

至征南將軍右軍都督僉事鎮守貴州建文中禦靖難被執

後從守北平上即位封爵仍鎮貴州繕兵勦叛威信並著


高貴未嘗驕人年八十五追封夏國公祀武毅蠻人祀之





郭子章曰夏國公祠在貴陽城中子孫環而居焉予於其  
家取故牒觀之 太祖 成祖與之坐談不啻家人父子  
一日成祖問卿兒若何對曰臣長兒統蒙 高皇帝予  
貴州都司臣奏長兒性剛難在都司與之普定指揮次兒  
勇見任貴州衛指揮性溫曉事弓馬亦閑弟貌不揚耳  
成祖曰勇不在于貌又與論交趾事公曰交趾地瘴往來  
且難 成祖曰廣西海中可去公曰今年少十歲為可為  
陛下去今老矣其柰之何 成祖曰貴州亦不可無卿嗚  
呼君臣之際曲盡禮忠跡鍾室之誅杯酒之釋何翅天淵

周聖楷曰夏國初事 太祖忠謹無過雖屢從征伐位僅  
充將軍而已迨革除之際受知 成祖始列爵王又終其  
身未嘗去鬼方也然是時以靖難功者四十餘人而夏國  
之後獨猶增華彝鼎以迄于今豈非事主而捐其私則胙  
福立大立功而忘其報則錫類無疆天道亦有不爽者哉  
談遷曰顧成早附鱗翼剖符黔南其拒靖難敗于真定也  
一俘囚何所重于燕即助予北斗非有克敵陷陣之奇何  
封侯也渡江勲舊落 女晨星遺此碩果開方面之績噫  
羈燕之日輒辭南征晚年出鎮乞立東宮俱暗合經史可





以兜盞中貌之哉若其料敵制變百不爽一彼固饒為之也  
已亥前軍都督劉江等跡卜東行命亟率兵追捕之  
是月山東平度德州沂水雨雹傷麥

六月壬寅朔次清流港令五軍臨陣齊奮所誅惟首卜毋奪財

物毋掠婦女毋虐老稚毋殺降人

甲辰次雙泉海劉江等至哈里值卜斬數十人 上度卜 康

且至嚴哨瞭

乙巳獲卜 諜言瓦刺馬哈木太平等兵距此可百餘里令秣

馬早發

丙午發雙泉海次三峽 上率師兼程進命皇太孫于寶壽

同行專鈇騎五百護衛

丁未夜大星光燭地出羽林軍行至地濁

戊申次忽蘭忽失温瓦刺馬哈木太平把禿孛羅等率眾逆


我師見陣整頓兵山巔上駐高阜望寇分為三令鈇騎挑之

卜奮迎 上麾安遠侯柳升發神機銃炮斃卜數百餘人親

率鈇騎擊卻之武安侯鄭亨追擊中流矢退寧陽侯陳懋成

山侯王通攻卜右不動都督朱崇指揮呂興等前薄之連發

神機銃炮卜死無數豐城侯李彬都督譚青馬聚攻卜左卜





石戶勇之創都指揮滿都力戰死 上麾騎援之殺王子十  
餘人斬數千級乘勝追奔度兩高山 勒餘衆復戰又敗之  
追至土刺河生擒數十人馬哈木太平等脫遁日已薄暮  
上還帳欲窮追皇太孫曰 已破膽請即班師 上然之  
已酉賜名忽蘭忽失温地曰殺胡鎮

庚戌班師 有乘高而覘大軍者 上麾兵薄之賊皆潰散  
是役也雖勝所殺傷相當幾危而復攻故急還

皇太子置交趾又安新平順化三衛演州南靖二守禦千戶  
所 辛亥 上發殺胡鎮次回流甸遣諭和寧王阿魯台

壬子御史劉愷等劾左軍都督梁福中軍都督蔡福討思州

叛苗貪淫不法皇太子俟旋蹕奏之


甲寅次清源峽夜月犯心宿

戊午次三峰山之西南和寧王阿魯台遣所部來朝命中官  
王安往勞之

己未夜有大星出右旗入紫微東蕃

庚申次飲馬河西阿魯台復遣所部來言疾不能自詣賜米  
百石驢百匹羊百牽別賜其部屬米五十石

丙寅次飲馬泉阿魯台遣謝 上慰諭之





朱國楨曰 大皇親歷窮荒大申捷北師武臣力各以職  
事效勞不必言獨三儒臣單騎從軍栖息 上帳房每  
失去風沙飛撲冰雪侵凌夜半失道几乎身膏草野當時  
死者給事中張益以子鳳貴求文于劉侍講得傳他之泯  
泯者恐不少也 聖主英畧憂勞天下掃淨胡塵不憚屢  
駕軍旅中時、顧問大書特書于此攸賴諸君子感激知  
遇委身行間意氣弘遠生死都置度外讀北征記宛然在  
目前文與國史相表裏前記自叙危苦頗詳斐而存之有  
是君有是臣其不自佚如此太平日久人臣養尊處優好

設先朝故事設身處此當作何狀亦可洒然變色矣

丁卯皇太子賑江南常熟水災穀四千二百三十石

己巳次黑山峪勅皇太子以班師告于太廟社稷頒詔天下

庚午皇太子擢國子監生石麓于文通徐長淵李旒顧達盛


偉玉繼行湯雲張昶劉璧陳斌闔勝先商盤許彥唐著楊義

等俱為監察御史

七月甲戌夜大星光青白出壘壁陣入羽林軍一小星隨之

丙子次擒胡山勅山西陝西遼東臨邊諸城增烽堠謹備禦

火八亩 宜陽人獻白兔





橋禁蹂田及取人畜產者

庚申次清河 是夜五星犯井宿

辛卯命偃軍二十日豐城侯李彬成山侯王通領之命興安

伯徐亨等率步兵扈從

已亥沙次河皇太子遣兵部尚書兼詹事府金忠指揮使楊

義進迎鑾表 上怒其遲緩且失對以右春坊大學士兼翰

林院侍講黃淮左諭德兼翰林侍讀楊士奇司經局正字金

問等輔導並徵之

皇太子賑新安嵩縣宜陽登封永寧仁和諸暨新寧東安饑

民粟三萬四千八百二十石有奇

八月辛丑朔 上至京師郡臣朝賀

壬寅宴文武群臣及從征將校

陳季擴阮帥俘至伏誅

丙午免北京糧芻二年

翰林侍講曾榮侍講兼左中允鄒輯主試順天


丁未司經局洗馬兼翰林編脩楊溥編脩周述主試應天

又申忻城伯趙彝督運貪殺都督譚青選軍受賂朱崇恣淫

青錦衣獄餘付法司

永樂十二年

十三





庚戌 白入貢

壬子固安淫雨寶坻雨雹傷稼俱賑之

甲寅彭亨國王巴刺密鎖刺達羅息泥忽魯謨斯國王人巴郎丁等入貢

乙卯尼八刺國入貢封沙的新葛為尼八刺國王賜銀鍍金銀印及勅語

丙戌賞北征將士并運糧官軍人等  
丙寅諭行在兵部簡部卒補騎隊之缺

九月辛未朔平陽王濟熿進封晉王

夜大星尾赤光出房宿行至近濁

丙戌大寧都指揮同知汪浩為後軍都督僉事都指揮僉事  
譚廣為中軍都督僉事浩治舟艦廣總操練

丙子河決武清縣命築之


丁丑榜葛刺國王賽勿丁貢麒麟名馬

戊寅禮部請賀麒麟 上不許

設遷曰宋太平興國九年嵐州獸一角似鹿無斑角端有  
肉性馴好散騎常侍徐鉉等驗以為麟春秋曰麇身而有  
角者麟 春秋感精符曰麟一角者明海內同一主也嘉

永樂二年

十四





才三年六月丁卯交趾有異獸上稱麒麟狀如牛身被肉  
甲鼻端有肉食生芻果必先杖其角如牛食樞密使田况  
辨其非麟詔止稱異獸聞先朝所貢麟攷之傳不記合  
昂首數尺如植竿殆遠夷飾其名惜無以田况事覈之者  
辛巳孟縣進嘉禾

癸未成安侯郭亮與安伯徐亨往開平備禦上曰開平孤  
城臨絕塞無險可恃寇至勿輕戰去亦勿追恐為誘也  
太白星晝見

己酉設塔遼兒河五屯河玄城和卜羅老哈河兀烈兀利忽

哈兒分八衛女直野人

丙戌湖廣草子坪賊吳者泥械至京伏誅初自稱苗王攻劫  
屯寨副總兵都督同知梁福攻之破

戊子上聞女直弗提斤六城之地沃命指揮塔失往城弗  
提衛令軍民商販居住畋獵孳牧從其便

清遠侯王友妾徐氏訐友及其妻誹謗友引伏奪爵  
夜月犯昴宿

庚寅口帝一阿魯台求官其部下遂授阿魯禿阿只力忽都

指揮等有差并賜阿魯台米三千石

